

Volume III (pådjes 73 à 110) 15 di djun au 31 d'
julèt 2000 dè l' prumêre gazète tote è walon à rèche d'sus l'arincrin



Come di djuste, tos lès drwèts (dissus lès imaudjes, lès tècstes èt lès fêtes) on s'lès va aurer ostant qui d'possibe . Mins, l'èst bèn sûr qu'on èst douvièt à studî totes lès-onètès-èmantchères.

PA CÔPS, QUAND ON SAYE DI RIWÊTI LÈS D'ZOS...

LÈS NOVIAS LÎVES. Quand, come "cultûre", on n'a qui lès cruwauds di s'côrti avou lès âbes qu'î crèchenut tot seûs, èsse qu'on s'pou s'éwarer di co s'trover à costé di l' roye qui dès grands sinçieûs-cacheûs on mètu d'pus d'in d'mêy sièke à z'èrêrer (tchèrwer) ? Dins "Lès Racènes dèl Bèljike", Djan Stanwêres nos dit qui l'Flande èt l'Walonîye sont dès rawètes d'l'après 1830 èt qu'di s'timps-là lès flaminds èt lès walons n'èstîne nén "disfèrinçîs politikemint". Bèn sûr, ènn'don valèt, d'in conté à in marquiza oubin ène prinçipôté lès simpès djins n'avîne vrémint rén à dire. Dispû on lès-a lèyî crwêre qu' ça avève kandjî. Lès tîtes dès mwinnèus ont kandjî èt l'sé costêye mwins' tchèr, ça c'èst l'vray; pou l'rèstant, in, si on z'î r'wète d'ène miète près. (Sayoz d'mète do sé pou roûler...)

*

"L'in-pot d'crîje dins l'Basse ? Èle èst télmint boune st-èle-là qu'ça m'fait djupiler" arève dit



Djan-Pol !

*

Mi étou dj'a dès *idêyes d'lukse* mins dji n'dimande nén l'lune. Qui vout mète à m'nom 190.000 F. par mwès ? Rén qui durant ène anêye...

*

Pou tot parêy s'arondi s'pension, in èks colonèl amèrikin ébalève lès comissions dès djins è l'mêrbotike di s'vichnauve ! Durant 25 ans i l'avève ossi ovré pou l'Russe KadjéBé. Faut-i crwêre qui lès grandès pwissançes ni payenut nén mia yène qui l'ôte. A z-î pinsî, combin d'nos vîs wôts-ofiçîs au CépéAyèsse ?

A BRAÏRE ? In tchvau èt ène fumèle baudèt, ça done ène novèle sôrte di bièsse. Dins l'timps, on s'rafiyéve dè l'voye èt on djalouséve l' Sèrdje Ginsbâr di s'polu fé d'aler èt v'nu inte sès rins. Audjourdû, rançîye, pou l'pwène, à l' place di films, v'là qu'èle toûne raçisse. Dès djèrmèles, i nos d'mère quand min.me l' grande dame qu'èst todi Djane Morau.

DOMÂDJE. I gna dès momints d'Uro qui n'sont nén lon éri d'l' oreûr.

PÈSANT. In-èfant d'sèt mwès s'a nèyî è s'maujone. L'moman a fait l'voyâdje di Lourdes avou l'cwârt. I gn'a pont ieu d'mirauke. Èle s'a pindu.

TOS LÈS ANS Fâtimâ rapwate 320.000.000 F. C'èst p'tète li r'cète qu'on muche ?

ON WADJE ? In lîve di mèsse avou 109 imaudjes avéve sitî ach'té pou 60.000.000. Il èst r'mètu d'sus l'mârtchi pou d'pus d' 120.000.000 F. I date do XVe sièke.

Combèn
va-
ton

d'mander pou l'Rabulèts riloyî plin cûr au mitan d' 2.500 ?

EDI BARKLÊ VA BAGUER. I vos faut vos dispêchî pou co z'aler l'voye à Sin-Trôpè. Au mwès d'octôbe i li faut ièsse foû do batimint. Bauchèles, pus dandjî non pus d'li fé dès doûs-ouy. Sès boûsses (totes) son-st-à sêch.

ON 'NA PU À FÉ S'TIMPS d'sos lès coleûrs mins on a co dès soudârs. Parèt qu'l' bèlje armêye èst boune ach'teûse. Dins sès contes on trove insi qu'èle a payî 15.000.000 pou d'l'amougnî di tos lès djoûs èt l' dobe pou d'l'amougnî d'bate; 7.000.000 pou dès z-autos à ramwirner lès misbridjîs èt 18.000.000 pou dès ostis d'ahèssâdje fizique (fitness ! :-).

ON S'DWÈT D'IÈSSE fîrs di nos walons d' pourcias ! L'piètrin, avou s'pia d'bale d'uro, èst l'mèyeû di tos lès vèrats !

Mètoz-li n'importè qu'ine fumèle pados l'..néz èt vos-èstoz sûr d'awè ène bén mèyeûse carkasse à l'arivêye. I boute dèdjà pou lès chinwès, lès chilyins, lès viêtnameyins, lès mèksikins !





RINDÈRS ■
 N'RIND rin. I
 rastrind lès
 CCC
 rit'nûwes.
 D'l'ôte
 costé dè

l'linwistike frontîre on
 radjoute co dè
 avantâdjes è dè
 rawètes.
 L'chavêye s'aprofondi
 tot doucèt'mint. Tot
 bagne.

*

**QUAND ON SAYE DI
 TROP BÉN FÉ.** Dins
 l'nût ène auto fait do
 184 à l'eûre. Mirake
 ! On l'arète. D'dins
 deûs omes qu'on
 cachève après
 dispû
 lontimps. I
 gna ink
 qu' arive
 à pèter
 èvôye
 mins
 pièd
 in

satcho
 d'ène
 lîve di
 blanke
 poûde.
 Lès
 tchampètes
 lî clapenut
 au cul
MINS,
 maugré tot,
 l'arnauje
 riscrote s' pakèt
 d'talk èt va
 s'muchî tot
 binauche au fin
 fond dè bwès.
 Faut crwère qu'i l'a
 profité qui s'èstîne
 éburtakés dins
 l'pèsâdje avou
 l'règlèmintère
 romin.ne ?



MÎR (qui vos fiève ène pus blanke buwêye)
 avéve ène fwite come on bièsse boya d'vélo.
 Deûs russes, Sèrdjêye è Zante, on mètu ène
 pitite dijène di samwènes pou z'î claper ène
 rustène. Asteûre i faurève co trover dè
 caurs pou t'nu pu lontimps l'gayole è
 l'tèrèsse orbite (l'noû mo sèréve "foûbite"
 ?). Come on z'î pièd aujyemint do
 pwèd, d'jusqu'à 10 kulos, pokwè
 n'porîne-t-i nin prinde dè-acwârd
 avou l'Soçiâle Sècurité èt z-î èvoÿî
 l'timps d'in rèdjime lès djins qu'on
 ène trop fwâte rawète di pèsanteû
 (surplus pondèral) ?

*

È L'IRAN, lès françèzès gazètes
 L'Monde èt l'Èsprèss' sont
 riwêtîyes come "porno".
 Pinsoz, i z-ont wazu mète
 dins leûs pâdjes dè
 imaudjes da Matisse èt dè
 postûres da Mayol ! Si vos
 passoz dins ç'vichnauve-là,
 waitoz à n'nin awè dè
 pâdjes di RABULÈTS
 dins vos bagâdjes ! On n'waze
 nin tûzer à ç'qui sèrîne
 capâbe di vos côper è
 pénitince !

*

BÈN SÛR, pou scrîre i
 n'vos faut nin sawè
 conter. Lès ronds-cûr
 walons avîne passé dè-
 èkazmins pou d'mèrer à

leû

place.
 On z-a
 min.me wazu
 leû fé passer dè
 "sayes (tèts)
 psikotèknikes" ! D'
 après "Viè l'Futûr di
 Nameûr" i gna **65**
 au cint d'bûzès èt
45 au cint
 qu'ont passé !
 ;-)

D'APRÈS LÈS SINÇYEÛS, l'ome d'au djoû d'audjoûrdu

ricomince à richéner à noss' rararatatayon di Néyandèrtal. Pa côp, i r'montèréve co pu wôt qui dji n'è sèréve nin d'pus sibaré qu'ça ! Què dijoz ? ça



n'vos rapèle rin ?
Tot ça pou ène
blanke èt nwàre

bale !

*

PRÈSSE À SKÈTER voss' tîr'lîre ?

Pou 840.000.000 vos ploz vos-èvoyî è l'âir. Deûs samwènes dins l'gayole Mîr. A ç' pris-là, pokwè vos-è priver, in ? Nin dandjî d'awè peû d'î z-awè l'timps lon, i gn'a d'qwè i brichauder i bon momint.

*

WAITOZ À VOS LÈS FEÛMES si on vos-a fait un sititchâdje avou d'dins d'l'ôle di soya. Si ça soûrd vos ploz vos r'trover avou in kançêr ! Èt dîre qu'i gn'a quand min.me dès agayons à stichî sins pont d'riskes. Kwèki, kan-t-on z-î r'tûze, pas côps..

*

POU KANDJÎ, in p'tit

"d'après in-ôte" :

"Au d'pus dji grawtîye

l'trau, au d'pus dji m'

pièd,

Drossi, lès pwènes

s'radjout'nut

auzès maus,

L'djoû chût l'djoû èt lès pwènes lès maus.

Strwèt d'idêyes, laudje di spales,
L'ome, in diè qu'a pièrdu lès pèdales.

Oudobin, discafioté di s'vîye glwère,

Dès tims pièrdus, a-t-i co l' mémwère.

Mutwè ratint-i co qu'ça rèche fouê,
S'grandeû finira pa v'nu, in djoû.

Mau foutu, tchèyu, l'ome èst l'grand mistère,

Dins l'prîjon dès

L' BOYÈYE... (d'après
Ronsaû)

ahèsses, loyî à l'tère,
A gngno, i sint s'keûr bate pou l'libèrté.
Misbridjî, i s'vouréve dispîèrter.
I vout conèche li monde èt sère lès ouy;
I vout todi inner mins on lî djouwe dès co.. "
(Avoz ène idêye d'quî avève dit çoulà ?)

Dji vos èvoye ène boyèye qui m'mwin
Vént d'rèlire dins dès fleurs èpanîyes ;
On n'lès-arève à ç'vièsprêye rôyîyes,
Tchèyeûwe à l'tère, sèrîne mwate
dimwin

Di çoulà vos ploz bén è ièsse sûre,
D'vos biatés audjourdû tote florîyes,
Dins nin lontimps, sèroz'v' fwârt
marîye
D'vos r'trover in matin blète, trop
mûre.

L'timps s'è va, l'timps trop rade
muche foû, m'dame;
Quand on dit l'timps, c'èst d'vos, d'nos,
qu'on cauze
Trop timpe stindu èt rindeûwe l'âme;

Èt dès bistokes èt dès dicauzes,
Quand sèront moru
m'èvoyeroz novèles ?
Adon, ardent, profitant
qu'v'z'èstoz bèle.

DINS L'TIMPS, on
purdève l'gazète do
djoû d'avant pou
n'd'aler au cabinet. A
Gand, durant l'Uro,
on z'î r'trove li tèle.
Pou lès djins qu'ont
deûr à tch..., ça va. Èt
l'z-ôtes, i fêyenut dins
leû marone ?

DIJOS C'QUI VOS VLOZ, à
cauzer d'sudjèts qui dji
n'sé à mitan rén, dj'a
quand min.me ène tchance
d'sus deûs di n'mi brouyî
qu'd'in p'tit mitan !

COMBIN I GN'AVÈVE-T-I D'LIJÈS D'RABULÈTS dins lès 80
"parleurs" do walon qu'ont discuté (è walon ?), l'ôte vinrdi à
Nameûr, de l' "*Charte européenne pour les langues
régionales*" ? Dins l' SWÈR qu'è cauze, on s'dimande si lès
rèclamaçons mèteûwes d'sus l'tauve "*correspondent à de
vraies priorités*" del soçe d'audjoûrdu. C'èst l'vray qui, dins

l'bans'lêye, on d'mande à ièsse ètindu, calindjî ou
drèssî è walon, i gn'a iène ou deûs d'sus dès
scayons pou fé dès-études ètou dins nost'
lingâdje... mins quand on rwète lès faflotes di
l'artike è françès :

"*La Charte*"..."*n'a encore été ni ratifié ni signé
par la Belgique*"..."*il entend... il traduit... il en
appelle*" "*selon un expertise du Conseil de
l'Europe*" on s'prind à tûzer. Pa èwou èt pa
qwè faurève-t-i comincî ? (è italike lès bokèts
risatchîs d'artike) C'èst sûr qu'è walon on pou
co s'lèyî n'd'aler à comète des couyes dins li
scrijdâdje. Kwèki...

*

I nos fauréve, parèt-i, tirer pu wôt lès masses èt lès-èduquer. Sayons don d'ovrer pou çoulà. Prumêre lèsson :

LI BÈTCH.

Saquants djins dîjenut à totes fwaçes qu'i gna



pont d'orde ni d'timps pou l'ahèssâdje, li bêtchâdje èt li spotchâdje ou grêtâdje avou lès ongues èt lès dibout dès dwèts. Totes cès agaçerîyes divenut ariver avant li sèksuwèl loyâdje mins lès tchôpiyerîyes, lès p'tits côps èt lès lachâdjes di brûts vont, zèles, roter avou l'mêr raploû. "Vazîana" (Vatsyayana pou lès-indoûs), li, pinse qui tot fâit farène au molin èt qui n'faut nin s'crèyer dès rûjes d'orde ou d'timps èyèt sî piède. Come di djusse, au prumî raploû, i n'vos faut qu'wêre vos sièrvu do bêtchâdje èt dès pratikes qu'on vènt d'vos cauzer. I n'vos faut nin radawî à r'laye tot passant d'iène à l'ôte. Mins, dins lès côps qui vont chûre, c'èst l'contrîre qui vos faut fé; disfindu d'vos rastindre; i

vos faut lès rapratiker lontimps èt, pou bèn grawter lès sintimints, lès fé ovrer tærtotes èchène.

Lès bêtch duv'nu tchère d'sus lès places qui chûvenut : l'front, lès ouy, lès massales, l'gordje,

l'pwètrine, lès têtes, lès lèbes èt l'en-d'dins dèl boche. È l'pays d'Lot, lès djins s'plêjenut étou à bêtchî lès djwintures dès cwisses, lès brès èt l'boutroule. "Vazîana", li, pinse qui cès djins là vont bèn trop lon èt qui ç'n'èst nin bèn d'fé parèy à zèles.

Asteûre, avou lès bauchèles, on s'va ossi s'sièrvu di trwès sôrtes di bêtch :

li bêtch d'intrêye, li bêtch trianant èt li bêtch djondant.

1. Quand ène bauchèle djond seûlmint l'boche di s'galant avou l'sin.ne, sins lèye min.me rin fé, c'èst l' bêtch d'intrêye.

2. Quand l'bauchèle mèt ène miète d'sus l'costé s'quand-à-lèye (pudeûr) èt vout apicî l'lèbe qu'èst d'sus boche èt n'fait boudjî qui l'sin.ne do d'zos, c'èst l'bêtch trianant.

3. Quand l'bauchèle mèt s'linwe d'sus l'lèbe di s'galant, lî done lès mwins èt sère lès ouy, c'èst l'bêtch djondant.

Saquants auteûs cauzenut étou di quat-z-ôtes sôrtes di bêtch :

l'drwèt, l'clincî, l'toûrné, li spotchî.

(on sayera di vos-è r'cauzer lon-z-èt laudje pu taurd).

*

Lès pâdjes di RABULÈTS sont là sins grandivâdje èt pou s'lèyî mindjî sins fwim. Djusse come lès "plêje-à-t'geûye" qu'on sièd avou lès possons d'bounès

Lès imaudjes étou pou lès ouy èt fé pu aujyemint saquants

carabistouyes. Lès feûmes sont dismoussîyes pu souvint leû toû mins, tot conté, rabatu, a-t-on trové pu Portant, dj'a mau m'vinte r'trover tofêr dins lès pou lès djon.nes.



bîres. sont là rinêri passer d'nos

qu'à tot bia ? di lès lîves

----->

DINS LES RATOURNÂDJES

Mi qui si voltîye
m'riwête èt qui z-è
raffiye sès ouy
come l'cia qui n'a
rén d'ôte di mia à
fé, wazèré-dj' dire
tot l'grandivâdje èt
l'flaweté qui s'î
muche ? Dj'a l'pîd
si trianant èt si mau
stampé qui dji seût
todi prêsse à mi
staurer. M'vûwe èst



si balzinante qui dji n'seû
vayant qu'après l'din.ner;
si dji m'sins Bén èt l'
solia r'lûjant, mi v'la tot
gayârd;

si l' agasse di m'n'
ortèye si dispiète,
mi v'la grigneû,
mau plêjant èt nén
à prinde avou dès
picètes. Li min.me
chame mi chène



deûr oubin d'pûre swèle; li min.me
voye in djoû à m'goût li lèdmwin
m'dimande ène fwârt naujichante
trote èt lès rondeûs qu'à l'nût
m'clignenut d'l'ouy, à l'pikète do
djoû si spaudenut d'sus lès gngnos.
Asteûre dji seû plin d'aland, adon
dji n'a l'goût pou rén; c'qui m'plêjève
là tot d'chûte, mi disgote li munute
d' après.

Dès cints èt dès miles balzinâdjès
si chûvenut avou mi. Dji seû tot
riyant oudobin nwârt neûrastènique;
vos m'vèyoiz tot brèyaud èt dji va
p'tète Bén rade pèter d'rîre.

Dji prins in lîve, î trove in bokèt
qu'èst plin d'grâce, i m'ènonde; li
lèdmwin dji l'ridrove, li toûne èt
l'racatoûne, bèrnike, li v'la mau
scrît, n'èst bon qu'a m'fé piède mi
timps èt à m'tchère ric-rac dès
mwins.

Pinsoz, mès propès sicrîjâdjès
étou, à lès r'lîre dji n'î r'trove
pus l'aîr qui avève bèrçî èt
grawté mès idèyes. Qu'avève-dj'
don Bén awè volu dire ? Dj'arde à
coridjî, à



rissimî lès mos, à
r'chaver, à sayî di
m'mia m'fé
comprinde. Dji va,
dji vént, dji roye,
dji r'grète. Dji
n'fait rén d'mia, dji
bague, dji flote, dji
m'noye.
Mutwè, come dji



l'fait voltîye, dji
disfind l'contrîre di
c'qui m'raffiye. Dji m'
fwarçîye, m' tinkîye,
mi spaud, m' loye, mi
dislache, dji cache



après mès bias prumî
sintimints èt dj'è kandje.
Dji m'lê n'd'aler do costé
qui clinçîye, m' pwèd m'î
satche èt, bardaf, dji ride.

Vos vos dirîz ça tot parêy si
vos vos riwêtiz d'ossi d'asto
qu'mi, m'fi. (à l'après d' Montègne,
Sayes, lîve II, chapite XII)

*A propos do portrait parètu èl
pâdje 62, on m'dimandève èvou
èstéve l'Momone di Biavwêr.
Chhchht, p'tète qu'in djoû... È
ratindant, v'la pou vos fé glèter,
quèqu'z-imaûdjès pa mirake
aurdèyes do timps passé :*

1. *L'timps dès plantches;*
2. *L'timps do gazètî;*
3. *L'timps dès folès vatche
(sins l'amougnî à l'dioksène)*
4. *L'timps d'l'avant Vént
Dame;*
5. *Co l'timps do tirâdje
dèl keûwe do diâle èt dès p'tits dèssins.*
6. *L'timps à l'manîre d'in Buk'ôvskî.*
7. *L'timps d'l' Èminkwê-disse.(L' vî ome èt
l'mèrcopète dès sicrîjâdjès. :-)*

ChhChht ! N' fioz pont d'brût !

Dji m'va don vos lès fé vos
radiôgrêfêyes.

C'èst bén paçe qui c'èst vos, mins
i faut nén qu'ça s'suche !



Arîz l'idêye di d'dmander à in soçon, pou fé
plêji à ène novèle con'chance èt, djusse come
coulà, pou vos bias-ouy, s'i l'èst :

- **docteur** : di lî fé in p'tit trêt'mint inte deûs
uch, avou **vos** bons consêy pou l'ordonance;
- **architèk** : d'li monter lès ptis plans, à **vosse**
idêye, pou l'pèrmi d'bati ;
- **plombî** : d'lî rabistoker éne miète lès
gotêres à **vosse** idêye ;
- **contâbe** : d'li fé, come por **vos**, lès p'tits
bilans pou s'dèclaraçyon ;
- **plaideû** : d'lî riwêtî, avou **vos** quinquêts, li
p'tit dossîr qui trin.ne dispû dîj ans ;
- **bankî** : d'lî pruster lès caurs qui duvrêve
vos rinde ;
- **masseûse** : d'lî fé li p'tit drin.nâdje à l'bonne
profondeû, come **vos** l'in.moz.
- **à d'z-ôtes**, à l'astchèyance èt à **vosse** idêye ?

Poquwè adon èsse-t-i si auji, d'inviter, sins s'
ritoûrner, in dèssinateû, à fé in "p'tit dèssin ou
deûs" ? Avou todi, è rawète, l'aîr di dire "Vos
n'avez qu'ça z-à fé èt ça n'vos done pont d' rûje.
Volà ç'qu'à vosse place dji lî frêve. Dji vwè çà
d'avance. Choûtoz-m' èt ça sèra dès pus bias..."

*

**Avoz r'mâqué qu'au d'pus vos donoz d'vos
qu'au d'pus qu'on vos è d'mande ?**

*

**C'èst drole, li djoû qu'vos d'prioiz ène saquî
d' vos révoyî li monte-kêdje, i vént tot djusse
di s'twârtchî l'dwèt d'aspouye.**

C'qui chût, c'è-st-ène pitite clignète, po l'plêji,
à in vî sto qu'a sovint vèyu dès-oftalmolokes.
Po bén comprinde, i vos faut-awè passé, èt
ratindu, dins dès clinikes-univièsitères :

**V'z-èstoz in cas !
Todi trop tinkî,
vos n'dilatoz
quand
min.ne nén fwârt
rade, vos !**

Ah ! ça
comince à n'd'aler
mia ! ça vént !
N'boudjoz don nén
!


Ètindo,
Poupoune ?
Avou
totes leû
manigançes
d'èn' vîtrô è
d'fivelète, ça
duvrêve fini pa
d'ariver !

Oooo

o
o
o
o

I

I



--**C'N'ÈST NÉN ÈNE CRAKE** : In lomé Pinku
d'ène soce do Canada "ImuKon" a inventé
l'pulule contacèptîve pou lès-omes. L'droge, è
vaksin, donerêve totes lès "aujes" pou doze
mwès. A s'dimander s'i va n'd'awè ène mârke à
mète à l'boutoniyère oubin l'tirète dèl brayète
pou tranquiliser lès feûmes èt lès prév'nu d'au
lon qui n'faut nén awè peû di tot-êfîre s'lyî aler
?

On n's'atindève nin à ostant d'intèrèt pou nosse pètitè saye d'èdukâcyon dès masses walones. On va don l' aprofondi l'sudjèt qui vos chène li pus-utile :

LI BÈTCH (2- voye l'pâdje 78)

1. Quand lès lèbes dès deûs galants si djondenut sins rastina, c'èst l'drwèt bètch.
2. Quand lès tiesses dès deûs galants s'clinçenut iène d'sus l'ôte èt s'bèthî, c'èst l'clinçant bètch.
3. Quand yink dès deûs pougne l'tièsse èt l'minton d'l'ôte èt bèthî, c'èst l'tournant bètch.
4. Pou fini, quand li lèbe do d'zos èst spotchîye avou fwace, c'èst l' spotchant bètch.

I gn'a min.me ène cinkyin.me sôte di bètch, i s'apèle li mèrspotchant bètch. Pou l'fé, on lî sère inte deûs dwèt li lèbe do d'zos, on l'rifte dè l' linwe èt on chût adon à li spotchî avou s'prope lèbe.

Dins l'èksèrssiçe do bètch, on pout djouwer à qui apiçera l'prumî lès lèbes di l'ôte. Si l'feûme pièd, èle va fé chènance di s'mète à plorer tot ricassant s'galant èt bate dès mwins. Pièd-t-èle on deuzyin.me còp, èle fait chènance d'èsse co d'pus anoyeûse mins l'momint qui s' galant sondj'ra à ôte tchôze oubin sèra èdwârmu, èle lî rispotchèra l' lèbe do d'zos èteûre sès dints èt l'tinre sins l'lèyî si dislachî; adon èle pètera d'rîre à grands brùts èt s'foute di li, s'mètra à danser autoû d'li èt dire lès bièstrîyes lî brokant è l'tièsse, triyanant lès cils èt rolant sès ouy.

V'là dès djèsses èt dès margayes qui vont avou lès bètch, mins ça n' èspètche nèn di tofêr spotchî èt grèter dès ongues oudobén dès dwèts, agnî èt motiyî sins rastina. Bén sûr, tot çoulà n'si fait qu'èteûre djins qui s'vèyenu voltîye. Quand li galant bètche li lèbe do d'zos èt qui l' feûme li rind l'parèye, ça s'lome li l'bètch dèl lèbe dè l'copète.

Quand onk dès deûs apiçe d'on min.me lan lès deûs lèbes di l'ôte, c'èst l'bètch prèssant.

Mins l'feûme n' fait çoulà qu'avou on' ome sins pont d'pwèle pa-d'zos l'néz. Dins cès momints là, onk dès deûs do dibout dè l' linwe djond, lès dints, l'linwe èt l'end'dins d'l'ôte. C'èst l'bètch dè l'bate dèl l'linwe. On fait tot parèye avou lès dints conte li botche di l'ôte.

I gn'a quat' djinres di bètch : l' modèsse, li strindu, l'prèssî èt l'doû, à l'astchèyance dès places do cwârt èwouski sont mètus. Bén sûr, on n'bètchîye nèn tot parèye les èdrwèts do cwârt.

Ène feûme riwète l'visâdje di s'galant qui dwât èt lî done ène bètch pou lî moustrer qu'èle a ausse, c'èst l'bètch qui grawtîye.

Si l'feûme done in bètch à s'galant qui fait s'bouye ou qu'è st-ocupé à ôte tchôze, èt adon l'disrindje, c'èst l'bètch qui disvôye.

Quand l'ome rintère au mitan dè l'nût, done in bètch à s'feûme èdwarmèwe pou lî moustrer qu' l'èst è fwârme, c'èst l'bètch qui dispiète. Bin sûr, l'feûme èst capâbe di fé chènance di dwârmu pou comincî pa voye s'n'état èt lî moustrer qu'c'èst lèye qui mwinrne li djeû.

Quand ène saquî, è l'prèsinçe di l'djint vèyeuwe voltîye, done in bètch à ène imaudje dins in mirwè, d'leûwe ou d'sus in meûr, c'èst l'bètch transfêrt.

A l'nût, au tèyâte, ou bin dins in raploû, in ome bètchîye l'dwèt d'ène feûme, à s'mwin si èle èst

astampêye

ou à s' pîd si

èle è st-

achîde; si ène

feûme tot frotant

s'n'ome, lî mèt

l'visâdje d'sus

l'cwisse tot fèyant

chènance di s'èdwârmu

èt l' bètchîye, ça s'lome

li bètch démonstratif.

Vos ploz trover in vièrsèt

qui dît :

"Quwè qu'ène saquî fèye à

l'ôte, i dwèt è ièsse ripayî.

Si l' feûme bètchîye l'ome,

i faut qu' lî fèye parèye; èle

li flaye, i dwètlî rinde !"

(On n'va nin z-aler pu lon

pou audjoûrdu. S'i faut on

adjancèra in couûr d'pratike

è privê.. Avou lès

démonstraçyon èt lès

aplikacyons qui vos faut

conèche. On poûréve dèdjà

s'mète d'sus lès lisses pou

l'rintrêye d'sètîmbe). :-))



M'FAUT-I MÈTE DÈS PONTS

d'sus tos lès
"î" èt mète
li pougne
d'sus tos
lès ouy ?



L'RABULÈTS réche, asteûre cauzu tos lès djoûs, dispû l'cominç'mint do mwès d'mârs. I gn'a d'dins d'l'actuwalité, dè crakes, dè fôtes, dè bièstrîyes, dè ratoûrnâdjès, dè l'powèzîye, dè imaudjes qu'on pout mète pa-dzos tos lès ouy. Pou l'fé coûte come l' dijéve l'Dardèn l'ôte djoû, on machî d'tot dins ç'pitite gazète è Fêlêr èt è r'fondu stauré. On nin sayî d'pétler pus qui noss' par-dèriyère, wazant d'cauzer d'cul quand i l'faléve. Tot ç'qu'on a sayî d'fé, c'èst moustrer qu'on pout mète èt djôzer d' tot dins nosse "vî" lingâdje (qu'à pîds d'chaur vint d'ossi lon qu'on saît nén fwârt Bén s'i l'èst pu frank qu'roman ou Bén s'i gn'a pus



z-a
féfé
n'a
wôt
tot



d'bûre qui d'ôle didins), qui pout aujîyemint sièrvu à d'z'ôtes cougnes di sudjèts qu' lès vîs cayèts èt a fé

dès powèzîyes qui, lon z-èt laudjes, sont todi d'sus l'timps d'nos ratayons èt do bon cafeû qui passéve paujêr'mint dins s'ramponau è l'cûjène d'sus l'plate plake dè l'sitûve di Lovin.

On s'a faît plêji, tot sayant d'vos fé r'lûre éto, sins trop s'fwârcî è mète tot è "bon" walon d'on vichnauve Bén réli. On n's'a nin r'toûrné d'sus dè "- à l' môde di", lès "-a peu près djusse", lès riftâdjès d'on françès "qui n'a rén à vîre avou "noss' bia môde di cauzâdje" qu'i nos "faurève z-aurder è purète pou nos p'tits èfants" qu'îront l'choûter dins dè musêyes si on lê fé saquants spèpîyeûs qui volenut nén qu'on



fêye lès poussêres ramonçêlêyes après dè siêkes èt dè siêkes

Mins, on z'a bau fé, on z-a bau dîre, tot seû, ç'èst tot seû. Lès pîsintes qu'on vourève chûre sont plin.nes d'cruwauds èt d'wartîyes èt quand on ride dins lès-ornêres, qu'on s'aroke dè lès ronçias, qu'on s'èburtake dins lès bouchnisses ou qu'on s'èburtake dins lès riles di gramêre, l'aspouye èst deûre à trover. Né moyin d'sawè si on-èst dins l'bon, si on n'duvréve nén kandjî d' môde, trover d'z-ôtes sudjèts, s'rilîre èt s'mia coridjî, roter drwèt èt n'nén chalter dins lès broûs.. **stop ! dji m'va vos lèyî tûzer à tot l'rèsse qui dj'aréve volu vos dîre in djoû qui l'soliâ èstève è condjî..**


P'tit djeû do djoû.

D' quwè
cauzenut-i nos bias
riprèshintants ?
Qué mos mètrî-v'
dins leûs lèbes ?



PURDONNS L'CARÈYE ROMIN.NE èt fyons, à l'astchèyançe, lès contes d' saquants subjèts apontiyis è nosse **RABULÈTS** dispû l'mwès d'mârs :

A. A s'dimander poqwè, c'èst **LI BÈTCH** (pâdjes 78 èt 80) qu'a



solévé l'pus, uu, u... d'intèrèt amon lès omes è min.me lès feûmes. On va don sayî di chaver ène miète pu profond l'Kamad'zou-l'drap. Èt dire qu'i gn'a asteûre in djârdin d'bièsses, **PO LÈS-ÈFANTS**, avou totes leûs-amoreûses prowèsses. Nos p'tits î z-apudenut qui l'rinokèrosse tént l'postûre ène eûre au lon èt s'évoyî è l'êr d'pus d'vint côps d'afilêye. Di qwè vos sinte tot p'tit, ènn'don ? Èsse qu'on z-î rapèle ètou auzès blondès tièsses qui vaut mia, l'momint di v'nu, d' chwèzi l'pitite camuzole à l'place do frisko ? Dji n'è saî rén !

B. **ELIAN** (pâdjes 35, 38) li, a ritrové l'maujone di s'pa. Sowêtons qui s'ritrove rad'mint paujère après totes sès mwêjès-sayes di liberté, d'democracîye, d'politike, d'djins-armés, d'jouwèts skètés, d' rêves pièrdus... èt di n'nin roviyî s'mame.

C. **L'PINAUTCHÈT** (pâdjes 1, 4, 57) saye todi d'passer inte lès gotes. Mins l'drache nos paraît ène miète pus sèrêye èt l'ramouyî tot douçèt'mint.

D. **L'sicrèt TRWÈS d'FATIMA ?** (pâdjes 49, 50, 74) Faut-i co prinde lès pwènes d'è cauzer ? Di totes façons, on va fé ç'qui faut pou qu' vèlà li chife d'afêres n'î discrèche nin.

E. **LI LINGÂDJE WALON** è l'UCL (pâdje 1, 5). C'èst l'condjî djusk'au 20 d'octôbe. Adon on r'comince.

F. **BOMBARDÎ** (9 d'avri 1999), bof, bager ou Bén demènadjî, Manage n'va nén ièsse mènadjî.

G. **L'MATIN** (pâdje 26) èt l' **JOURNAL DO MARDI** pou, lès caurs, ça a l'êr d'aler. Mins, lès lîjeûs ?

H. **DISVOYEÛS D'TRIN** (pâdjes 30, 38) : On tape dissus, mins nin parêy pou chake djon.ne.

I. **WORLDWIDEWALLOONS** (pâdjes 66, 67, 58). Lès rogneûs d'mèrenut moyas. Ène anêye à ratinde ?

J. **L' EUWÂDJE CYDEX** (pâdje 71) pou rapauji li **SEÛL** lîjeû à l'awè trové mwêje. V'là c'qui ça done : ç'èst

NÈGATIF ! Bèn dès mèrci au compaticheû.

Laboratoire d'Analyses Médicales
 DOCTEUR V. L...
 DOCTEUR V. L...

DATE: 22/06/2000 REF LAB: *chiffre* Du 15/06/2000 PAGE: 1
 (15723)

Patient: _____

| * ANALYSES | * RESULTATS | * UNITES | * NORMES |
|---------------------|-------------|----------|----------|
| SERLOGIE | | | |
| HEPATITE B | | | |
| ANTIGÈNE HB s | NEG | | NEG |
| ANTICORPS ANTI HB s | 3 | U | NEG |
| AC.ANTI HB core | POS | | NEG |
| Ac HBc IgM | NEG | U/ml | <10 |
| HEPATITE C | | | |
| Ac HCV test EIA | NEG | | NEG |
| RETROVIRUS | | | |
| HIV1/2 MEIA | NEG | | |

Hépatite B : immunité acquise FIN DE PROTOCOLE

Bon, qu' nos v'là au coron dèl pâdje. Dimèrons don d'sus ène bone novèle !





Zut ! V'là
l' balon
qu' a
tchèyut !

ÈWOUSSE QU'ON VA ? Do costé d'Antvèrpèn, dès èfants on stî vèyus pau psikanalisse paç'qu'in cokia lès èspètchéve di dwârmu tot leû souê èt don d'bén travayî à scole. Pou arindjî lès bidons l'bièsse à crèste èt à penes a stî tuwêye. Dji n'va nin risatchî d'çoulà ène morale ou in èkzimpe. Non.na, mins...

*

IN ÈKS-GAZÈTÎ, à vîre s'bèle mame qui s'morève a sorti pou bwâre in vêre. Mètoz-vos à s'place. Disbautchî ou bé contint, i duvéve ièsse bin ritoûrné, l'ome. Pou sawè quwè on l'a rèssèré à l'amigo.

*

L'PULULE a z'arèter lès arivêyes nin sowètêyes fait s'n' intrêye d'sus l'martchi è l'Beljike. Èle a du ièsse batîjîye pa in walon. "Mifédjin.ne" qu'èle si lome.

*

L'PULULE DO LÈDMWIN, lèye, qu'avéve étou in nom d'amon nos-ôtes "Nor'lèvo", ni sèra pus donêye dins lès scoles è l'France.

*

DIMÈRONS ÈL L'FRANCE. On vént d'aprinde qui dès djanes qui blankichîne au nwâr pa miyârd do rodje ardjint sont div'nus tot vèt' quand i z'ont stî arètés pa l' bleuwe polisse.

*

È L'ITALIYE, POU PASSER LEÛ TIMPS, pask'èles n'avîne pont trové d'abé à leû goût, trwès bauchèles ont tuwé ène Machêrseûr di 19 côps d'canivèt. V'là co ène mwârt qu'arève pu ièsse èspètchîye si ç'avéve stî mètu dins l' sicrète lisse. C'èst l'vray èto qu'lès djènoçîdes non pus...

*

L'PROGRÈS TOT D'MINME ! On z'a trové ène indjole qui dît si vosse bokèt tchocolat èst bén do vray ou bin s'i gna dèl spiate dins l'frumint d'vosse taye di pwin. Èle vos fait ça come rén, "lès dwèts dins l'néz". Pou c'qui èst dè l'farène di bièsse dins l'amougnî dès vatches, on n'èst nèn co sûr d'î ariver, savoz...

*

CITAÇYONS : "Choûter ? On n'a ré fait d'mia pou étinde !" "Quand ti fais tchènanche di choûter, t'as vrèmint l'aîr d'ièsse malin. "

*

Pou fini, dins-ène difèrinte note :

"Nèn ièsse vulgère, ç'èst fé bèbèle.

Dîre "*Prouit ma chère*" èt nèn "*R'nifèle !*

Passe ça inte tès dints, i gna pont d'nuk didins !"

NOSSE PITITE VIRTUWÈLÈ GAZÈTE a tchêyû dins l'walone sope come ène pougnîye di tchvias. Pou deûs-trwès qu'on quand min.me wazu d' sayî, do d'bout dès lèbes, c'qui rchênêve à ène caboulêye tot djusse boune pou lès pourcias, l'majorité a d'méré moyate èt ratinde c'qui ça z-alève div'nu tot wadjant qu'ça duvéve rade si pêter l'gueûye à l'crêsse do meûr



di l'indifférence ou z-a moru fôte di dinrêye à agnî d'dins. Èt bin, non.na, on z-èst co là à chûre nosse pîsinte à p'titès-ascauchîyes.


Quand on s'a sintu ène miète mërseû, i gn'a todi ieu ène saquî pou nos-ècoradjî à chûre noss' voye : onk qui nos dit Bén in.mer c'qu'on fait, one ôte qui s'rafiye d'aprinde qui tos lès bêchhs s'polenut lomer, in coradjêû qu'Acrobatifiye l'bouye pou sayî d'z' alaurdji l'cêce dès lijeûs... Nos v'la don co à roter tot sayant di d'mèrer paujère èt quand on z'èst do

djinre à s'ènonder pou ène bièstrîye, c'èst deûr. Après tot, on z'a tot l'timps qui faut d'vant nos. On n'ratind rén, ni liârd, ni mèdaye, tot c'qu'on saye di fé, c'èst d'pèsteler, timps qui l'èst co timps, dins c'qui d'mère do vî lingâdje walon èt d'tûzer d'sus come (vêci, vos mètoz lès noms qui vos chène lès mèyeûs. Wêtoz tot d'min.me di n'nin z'î mète éto lès djins qui n'cauzenut do walon qui È l'FRANÇÈS, ça d'vent ène môde).

Audjôrdû, nos nos trovans d'vant ène aroke. On comince à spépiyî c'qu'on raconte èt on vouvéve Bén fé ène place dins nos pâdjes à cès baticheûsès critikes. Comint alan' don fé ? ça, c'èst l'kêsse dès kèsses ! Tos nos chûvants n'sont nin d'sus l'lisse VIKER (arincrin) ou mimbes do l' RANTEÛLE (soçe di waloneûs) ÈT pou l'contrîre c'èst do parêy au min.me : tos lès Ranteûlisses èt lès Vikanteûs n'sont nin lijeûs !


On vos va quand min.me fé place à l'critike da Djan-Pîre : "Dins Rabulets 50 (18/05/00) li Djozî sicrîjha: On dit PAN D'LAURD. Savîz qui pan vout dire "bokèt" mins qui c'èst ètou in ÈSPAN ? L'èspan (pan) èstève ène mèzure di longueû :

l'distance èteûre l'pocè èt li p'tit dwèt d'wèt l'mwin èst bèn sitindeûwe aulaudje.. Premire fråze, iva. Dierinne èto. Mins l' mitan? Douvint l'idèye do loyî les deus? Por mi, li "pan" d' lârâ, ça va avou l' famille do francès "pan"=grand morceau d'étoffe, partie flottante ou tombante d'un vêtement, partie d'un mur, face d'un polyèdre, ène famille ki vinreut do latin "pannus"=morceau d'étoffe. E walon, vos ploz insî mète pinde on pan d' lârâ mins co avu, come e francès, ène figure a chîjh pans k'a les costés opôzès ewals (on "hexagone", cwè), on pan d' meur, li pan d' vosse paltot... Di c' costé la, vos n'estoz nin lon nerin... do "pagna" d' Nameur ou do "panê" d' Lidje, k'i gn a des bonès chances ki l' rifondu divreut esse "paneâ". Po Hâst, ça vinreut c' còp chal do latin "pamellus" (on pitit "pannus", don on pitit "pan", k'aveut dné e vî francès - nin e walon! - "panel"). Hâst revoye d'alyeurs al minme etimolodjeye ki po l' francès "pan" (riloukoz pus hôt), ène etimolodjeye ki vâreut èto pol walon



"pane" (=tuile). Po leyî les panes wisk ele sont et dmerer do costé do "paneâ", vos srîz sins dote todi el minme famille tot vos sovnant do castillan "pañal"=fachete, pixhrou, pixhâd, lagne polz efants, et co "paño" ki l'francès "pagne" endè vinreut direk pareti, adon ki "paño" liminme vinreut... todi del minme raecene ki l' francès "pan". Avou ça, come on z a fwait on toûr, vos avoz, e walon, li paneâ di dvant et l' paneâ di d drî, vos ploz esse a paneâ ou a paneâ-cu (panê-cou; çu ki vout dire "en chemise" ou, po nozôtes, "sins marone" ou purade li peta e l'air), end aler paneâ drî paneâ dvant (çu k'est totafwait parey) et co esse on mâssî paneâ padzeu do martchî, ène sacwè come on mannet godî. Mins dji n' voe nin çu k' ça âreut st a vey avou çu k'i gn a inte vosse pôce et vosse pitit doet (enfîn, tand k'a dmerer ognièsse...) et k'on lome co todi (et trossi ognièsmint) "empan" e francès, ène sacwè ki n' vinreut nin do latin... mins come po l' vî mot francès "espan" - et po vos bistoker, soçon - do francique (djermanike don) "spanna", k'on dit co todi "Spanne" en almand, çu ki vout dire l'idèye d'ene sacwè come çu k'est stindu inte deux ponts.,

Savîz k'e walon on pout dire po ça (et polmoens): aspane/aspagne/èspane/âspane/âspaneye/âspanêye/âsplène/âsplagne/èspagne" Come d'habitude, dins nosse payis et lingaedje rîches a rdjoke, vos l' savoz bin, hon, i nd a po tertos, po tos les gosses, po totes les tchapeles, et po totes les eures, meyès eures, minutes, secondes, grumottes, tchitcheyes et ratchitceyes di secondes, do djoû et del nut... tot ratindant k'on tchaye dacoird oudon rvierser s' berwete po todbon. Avou l' còp d'ouy so l'timolodjeye, dji sreu purade po l'"espane" ou l'"aspane", la, et l'"espaneye" ou l'"aspaneye" ça pôreut co fé on bea sinomime. Portant, fâreut kekfeye tchwezi inte "a" et "e" po nin avu cwate fômes d'on còp... Mins come c'est les premirès letes d'Adam et Eve, on n' sait mây... cestila, i s' divint dobler et radobler po ndè fé des masses di d pus ki tos les grins d' sâvlon del grande basse... et nd a yeu! L'idèyal do disfondu, don: tchaekè on scrîjhaedje da sene tot seu por li tot seu... Afin, vos âroz fwait sondjî pus lon k'ene espaneye!



Quwé rêsponde à tot çoulà qu'èst vrêmint Bén tûzé ?

Qui PAN (qui n'sintèrèsève nin tot à fait auzès fêyes) n'avève nèn come drapia in pan d'laurd ? Qu'ç'èst deûr di spormwinrner è volants pans d'laurd ou bin è volantès panes? Qu'dins lès ospitaus, lès panes ni sont nèn todi d'sus l'twèt ? Vos l'savoz Bén qui dji n'wazèrève fé çoulà. Qwite à bwâre dè l' panêye èûwe.

Mins tant qu'djî seû, dji m'vas radjouter, qu'è l'francès, on dit què l' luzère "se pane" quand èle sètchi d'sus pîds !

**DJ'AVÉVE PASSÉ SAKANTS NÛTÊYES à lire LÈS
TRWÈS BAUKES** (lîve pondu, i gna dèdjà d'

pu d'ène dîjène d'anêyes, pa Lucyin Mahin do tîmps
èwousk-i l'èstève co in scrîjeu è l' *classike* walon).

Dj'avéve binamé, passk'on z-y raprinds dès afêres do
vî tîmps èt lès cayèts dès roviyîs mètûs come

faudeû (ni nén confonde avou lès faus-dèrches
d'asteûre), *pèleû d'aûbes* (ni nén confonde avou
lès discafytoteûs d'oûs d'pouyes

concintraçonêyes) ou co l'*dispièrteû d' sots-
dwârmants* (rén à vîre avou lès adjints
d'l'État, savoz.) Mins nosse mèsse
rifondeû n'î cauze nén di tos lès mètûs.

Insi, i n' dit rén dès rabateûs èt
ramèchneûs do fir èt sauvâdje vièr-goyèt.

Mutwèt, c'èst qu'i l'è falève dès
spècialyesses pou fé çoulà, dès
maïsses-mèsses, come on l'dijève !

Dji r'pinsève co à zèles ayîr tot rolant à
l'brune d'ssu l'autovoye èteûr deûs
bochons. Avou totes lès lampes, on z-î
vèyéve tot-à-faît come è plin djoû.

Lès djon.nes d'audjourdu n'enn'ont pu
l'idêye, mins do tîmps di nos vîs tayons
s'estève dèdjà tot parêy èt ça n'costève
nén ène broke. Enfin, bramint mwins'
qu'asteûre min.me si lès voyes èstfne
pus strwètes. Avant l'guêre, l'sine di
quatôze, bèn sûr, on véyéve co d' l'èsté
dès nulêyes d' lumerotes li long dès
rotes èt dès pîsintes. Lès bauchèles, tot
bèrdélant d'leû galants, lès porwinrnîne
pou lès rinêri, cès ptitès bièsses, èt l'z-
eu pèrmète di fé l'plin d'amougnî pou
rinde dèl bèle lumwêre. Totes
riglaticantes, à l'rintrêyes dins lès
cînses d'èlvâdje, (i-n'da co dès rwines
d'iène né lon èri di m'maujone) on lès -
alignîne avou sogne èt bèn vikantes
dins dès bias p'tits potikèts d'apotikêre
è blanke opaline. I gn'avéve pus , l'vièr
vinu, qu'à lès wachoter, pou voye clêr tote
ène grande chîje au culot do feû.

Si vos l' vloz, in djoû dji poréve vos mia
èsplikier comint qu'on fiève, lès djondants èt lès
pondants d'ène vèritâbe èt rouviÿe vîye industriÿe
do bon vî tîmps dins nos vilâdjes racrapotés è fin
fond dèl sovadje Ardène. Gn'avéve étou dès-a-
costés. On poléve è fé dès bèles brichauderÿes. Insi,
avou l'bocau d'vièr-goyèt qu'dj'a r'trové d'su l'gurnî,
dj'a sayî di r'fé on bia colî à m'feûme (come èle
pwartéve quand on fréquentéve). Li pu deûr, avou cès
bèstiaus d'âdje mins co tot bons, c'èst co d'leû trover
l'bon costé èt di stitchî l'dibout d'in filé dins l'gueûye.
Intré, i rèche ôjÿemint pa l'naturèle sôrtÿe. Mins, vos-
avoz bô ramouyî l'filé èteûre vos lèbes, si n'èst nén à
l'bonne intrêye, i n'vout nén muchî. I vos faut l'sawè.
A fwâce di s'brouyî, on fini pa trover l'bon mov'mint



lontîmps in mwê goût è l'boche. Quand i sont
bin rindjîs, à l'file, boche à cul padrî iène l'ôte
l'ovrâdje si fait fwârt aujÿemint. Bin sûr, i vos
faut fé atincyon à z-î aler pajêrmint èt à n'ès
wachoter qu'à l'vièsprêye. Adon, l'colî riglatichera
bèn djusq'au mitan dèl nût èt vos pèrmète di sayî,
avou l'bone lumêre, saquants plêjants djeûs do
KamaZoutra. Sayoz don d'ritrover l'vièr-goyèt.

A DJIBLOÛ, I GN'A SAQUANTS SAMWÈNES, ène Ranteûliène feûme méd'cin s'avève disrindjî pou nos doner, è walon, ène confèrince dissus in fwârt bia sudjèt "**comint awè sogne dès vîyès djins**". Èle nos-a èspliké, long z-è laudje, comint qu'on fait audjoû do djoû d'audjoûrdu pou l'z'eû doner ç'qui faut quand i faut. S'estéve Bén-intèrèssant mins, come li dit tofêr, Fulgence, m'cwèfeû, "*i gn'a lon d'èle cope auzès lèbes !*" C'est l'vray qui nos faut ièsse béni pou tchère d'sus l'bon signeû èt l'ospitau à l'wôteû. Paçe qui, "*c'n'est né qu'on n'vout nèn sognî lès vîs, mins i n'faut né qu'ça dâre trop lontimps. Passé ène samwène, leû lét nos costêye trop tchèr èt i vaut mia i mète ène novèle djins d'dins !*" On n'vout nèn lès fé passer oute à l'dimande èt on z-è prèsse à l'zeû t'nu l'mwin l'timps qui faut avou c'qui faut pou lès soladjîs d'leû sofranças... si ça nin trop long. Deûs mwès èst l'timps qu'on done à "bon conte", après, si vos n'avez pont d' liards assez...

E ratindant d'passer tot couchî l'grande pwate, i faut don sovint fé in toû pa ène M.R.S. (**Maujone pou Rabadji èt Somadji ?**). Nèn auji d'dècidé pou l'famille, qui n'pout nèn fé autrumint, èt d'è trover iène qui sèrève "*dji vos l'assûre*" fwârt boune. L'chwè n'èst nèn laudje èt lès plaçes (*i l'è manke télmint*) sont deûres à trover. Mirake, è v'là iène qui n'costêye nin tchèr èt vilin. I n'va nèn falu trop r'mète come caurs d'su l'pension todi trop coûte èt lès drogues "d'confwârt" "*Vos ploz ièsse à vos' t'auje, voss' vî mam va ièsse Bén sognîye, savoz. On z'a lès djins qui faut èt tot c'qui va avou !*" L' uch do purgawêre èst passêye. Pinsoz qu'vos vos sèrîz capâb' di passer au truviè dès-èburtakes ? Sayoz don d'rèsponde au p'itit TÈSS' (saye ?) qui chût châle :

1. L'tchambe qu'a ène plaçe di lîbe a in p'tit êr grigneûs. On vos dit qu'èle va ièsse rimèteûwe è coleûrs. Après saquants mwès :

- On vos d'mande d' chwèzi l'coleûr;
- On s'mèt à l'ovradje;
- On n'è cauze pus.

2. Vos avîz totes vos mèd'çines avou vos :

- On vos fait confiance pou l'posolodjîe, *piski vos avoz co tote vosse tièsse*;
- On vos lès prind l'timps qui l'méd'cin vègne;
- On téléphone au dokteûr pou sawè qwè èt kèsse..

3. L'docteûr, qui vos sogne dispû 15 ans, répond :

- Qu'on pou choûter vos dîres;
- Qui va v'nu tot chûte;
- Qui n'a nèn ça è l'tièsse èt qu'ça pou ratinde.

3. Dins vos mèd'çène, vos n'avez iène qu'avève fait dîre à l'apotikêre au lîjâdje di l'ordonance "**Cit-là dwèt awè Bén do mau !**" :

- On fait atincyon è n'nin trop vos wachoter ;
- On r'wète à n'nin passer foû l'dôse;
- On s'dit, "*Bof, i n'a nin l'êr d'awè si mau qu'ça, ça dwèt co ièsse in malâde dins s'tièsse.*"

4. On vént d'intrêye vos d'mander saquants afères utiles à Bén vos sognî, enn'don :

- L'lisse di vos maus;

b) Lès djins à prévnu "si jamais";

c) L'nom d'voss' Soçe pou lès Funêbes Pompes.

5. Vos avoz fwârt deûr à roter. (V'z'èstoz pris dès rins) Vos l'dijoz èt d'mandoz ène tchèyère à rolètes pou aler din.ner deûs ètâdjes pus bas :

- On vos dit qu'i gn'a pont d'libe;
- On dit qu'i gn'a rin avou ça èt vos-è done iène;
- On vos fwârcîye à roter pou n'd'aler à tâbe.

6. Pour r'monter è l'tchambe vos ridmandoz ène tchèrète. On vos répond :

- È v'là iène ;
- D'ratinde ène miète. On va è qwèri iène ;
- D'rimonter tot chûte à pîds oubin d'mèrer d'sus place

7. Vos d'voz dwârmu lès pîds pus wôt qui l'tièsse (po l'circulaçyon) mins li r'ssôrt èst fayé èt twârdû,:

- On l'kandje ;
- On va s'ocuper d'çoulà l'momint v'nu;
- On vos dit d'mète vos pîds do costé qu'èst co bon.

8. 22 djoûs après, li l'lét :

- È-st-arindjî ;
- On va l'arindjî ;
- "On" n'èstéve nin au corant èt "on" ratind co 4 djoûs pou fêr c'qui faut.

9. Come li prumî djoû vos avîz ratindu djusqu'à onze èûre pou qu'on s'occupe di voss' twèlète. Vos-avoz dit qu'vos alîz vos è kèrdjîz tot seû :

- On vos done quand min.me in còp d'mwin ;
- On r'wète si vos vos disbroyoz Bén po l'dos ;
- On vos lê tot simplumint fé tot seû, *c'est pu auji..*

10. I gna (dèdjà !) quinze djoûs qui vos èstoz-là. Voss' famille, à l'astchèyance, si rind conte qui l'tchaûr di voss' drî cominçe à prèsinter dès èscars :

- On s'è nn'occupe tot chûte ;
- È-t-i possibe ?! ça dwèt ièsse d'voss fôte ;*
- C'n'est qui d'l'èkzèma ou bin d'l'alèrdjîye.*

11. Ène nût, vos tchèyoz à tère èt ça n'a nin arindjî voss' fayé dos mins vos avoz asteûre mau à l'drwète mwin.

- On s'èsplike Bén aus ambulancîs di n'nin vos wachoter èt vos mwirner fé ène "radio";
- On l'zeû d'mande di vos mwirner à plat d'sus ène civyère.
- On vos rwète èn'd'aler achîde èt sofri tote li rote d'sus l' tchèyère à rolètes.

12. Vos vos disbrouyîz co pou n'd'aler au cabinèt tote seûle mins, come vos avoz tchèyû :

- On vos priye di soner quand "i faut" pou awè in còp d'mwin;
- On va vos doner l'pane à timps èt à èûre;
- On vos mèt dès fachaus pou awè pu auji. "*On n'a nin qu'ça à fé, savoz*".

13. On vos a doné dès novèlès drogues :

- On vos-èsplike à qwè èle sièvenut;
- On rwète si vos lès purdoz Bén come i faut
- On n'vos dit rén èt vos lèyî avaler avou dès bèles rûjes, deûs samwènes au lon, ène grosse pulule qu'èstéve à suçî.

Li 4 di djulèt, l' Journâl do Maurdi traîte do min.me sudjèt. On va don z-approfondi. È ratindant, contoz vos pwins : 5 à tchake a), 10 à tchake b) ou bin 20 ponts à tchake réponse c). A chûre :-)



ON Z'A BAU DÎRE, ON Z'A BAUFÉ, l' **RABULÈTS** n'est qu' ène pitite sayète di brichaudêye gazète. Nos moyins è caur, siyinçe èt tûzâdje sont ç'qui sont èt pou n'd'aler voye tos lès d'zos qui nos kèkîyen on n'pout conter qui d'sus dèss còps d'tchançe èt dèss bounès bènvolantès-âmes.

Adon, on s'continte di douviè dèss uch èt lèyî à nos lîjeûs l'sogne di taper in ouye pau crayes, d'î tûzer, èt d'sayî, p'tète, d' voye

pris paçe qui si on s'ègadje là-d'dins i gn'a dèss djins qui vont s'è **r'sinte** tot chûte dins lès dêrins djoûs d'vikêriye qui l'zeû d'mèrenut "à profiter". C'est zèles qui, sins l'awè volu è sins ratinde, vont lès-awè, lès r'toûs d'flaya èt d'baston ! C'est si auji d'lès rinde "**confus**" (vos rovîyoz in còp ène saqwè èt vos divnoz ink qui "*cominçe à lès machî*") èt d'leû fé sinte qui n'ont pus qu'à "**profiter**" di ç'qu'on vout co bèn fé po zèles èt à d'mèrer moya.

I n'vos faut nèn crwêre qui lès pus dispriyîyès maujones sont lès pus mwêjes. Come todi, **lès cwamjîs lès mia ostèyîs ni fèyenut nin pou çoulà lès pus bias solés...** L'sudjèt èst fwârt laudje èt à chaver profond. Qwè dire quand on ètind ène vîye feûme, qu'à co s'pudeû, rêsponde à in tot djon.ne valèt (co aus-ètudes) "*I n'faut nin co kandjî m'fachau, dji m'va ratinde l'infirmyère di nût*" ? I l'èst bèn quatôze eûre èt l'lagnèt dèdjà **fwârt frêche**. Comint rêadji quand à chîj eûre, dins ène tchambe à

deûs létts, in aspouya-infirmité dismousse è purète ène vîye feûme èt lî mète d'avance

s'tchimîje po l'nût, è **l'présince dèss djins è visite** ? Comint nin s'ribèler quand on disfind d'kandjî l'arindjmint d'ène wârdicotes pou l'ayèssî à l'mòde d'ène djins qu'a dèss rûjes à s'bachî ? Pokwè faurève-t-i lèyî doner come à in p'tit-éfant, à l'eûre di riciner, in biscwit qu'a stî **cafougnî** à plin.ne mwin (r'lavêye après l'vûdâdje di pane?) avou ène jate di tène èt tiède cafeû ? Èt l' *infirmyère di nût* qu'èst l'ome qu'a l'mwins à tot : corti, èlèctricité, r'loquetâdje.. ?

LI DJOURNÂL DO MAURDI, li 4 di djulèt, a comincî d's'intèrèssî auzès MRS. Pîsqu' il i riwète, on va l'lèyî fé. I duvrève awè d'pus d'pwèds qu'nos pou fé kandjî lès bidons. *Dijan.ne todi kékfiye.*

On vos dwèt quand min.me dire qui, pou l'conte d'après l' **TÈSS'** dè l'pâdje 87, si vos avoz

- pa-d'zos 80 ponts : vos èstoz d'doûce crwèyance;
- inte 80 èt 110 ponts : crwèyoz-co à Sint Colau ?
- 130 ponts. Vos avoz c'qui faut pou diridjî ène MRS ou bin à ièsse traîtî d' todi mau-contint èt r'naudeû d'prumère !

s'i gn'a moyin d'kandjî ène saqwè.

AVOU NOS GROS TCHABOTS, on s'promètève di taper in còp d'pîd dins l'niyau auzès copiches dèss M.R.S. (*Maujone pour Ramadjî èt Somadjî*). I vos faut l'néz d'dins pou vrèmint sawè s'fé ène idèye di ç'qui s'î passe. Ayi, mins adon on z'èst mau

Bèn sûr tot n'est nin, tos lès djoûs èt d'tos lès costés, tot nwârt. On trove dins lès travayèûs è MRS dèss djins plins d'vayance qui n'lèyenut nin à d'z-ôtes lès bouyes nin trop ragostantes oubin displèjantes. C'est vray qui l'è dmère co d'pus qu'on n'pinse a considèrer qu' lès vîs ont co leû dignité èt saquants drwèts mins c'n'èst nin pou ça qui n'nos faurève nin mète li dwèt, l'pougne si faut, d'sus c'qui n'va nin !



COMINT VOS-Î PRINDE POU LÈS

BÈTCH DO TIMPS DÈS CONDJÎS.



DO COSTÉ DÈS LÈTES.

A m'nidêye, i gn'a dès sudjèts qui s'prètenut fwârt Bén à ièsse traîtîs è l'walon. Dji m'dimande Bén poqwè i n'l'ont djamaîs stî ? Èsse qu'on sérève pus "nâreûs" qui d'z-ôtes pou wazu s'ataquer à dès djenres ène miète craus ? Portant, dins lès chîjes, lès paskêyes racontêye n'èstîne nèn todi totes "catolikes".

Audjourdu, on va vos doner in bokèt d'in grand classike. Camile Lemonier avève scrît ène saqwè do min.me djenre.

(...)

Bladjot qu'il èstéve. Sins pont d'sintimint d'sus lès trêts, tot come in ome qui n'a pus rén à ratinde.

- Alondjoz-vos vèci, dit-i èt sérer l'uch. È l'cayute i fyéve nût nwâre.

-

Èwarante di choûte, èle s'a stindeûwe d'sus l'covêrte. Tot d'chûte, èle a risintu l'doûce, èrante, ardante mwin, lî capougnî s'cwâr èt cachî après s'vizâdje. Rachûrants èt rapaujants, pate à pate, lès dwèts carèssîne s'néz, s'front, sès lèbes...èt pwîs rouf, l'doû riftâdje d'in bètch d'sus s'massale.

Ele dimèréve sins ranchî, alonguîye, come èdwarmeuwe dins ène sôrte di sondje. Èle s'a mètu à triyaner. L'balzinante mwin, panaute èt maladrwète, s'muchéve dins sès mous'mints. Lès dwèts chènîne

sawè d'avance comint l'dismoussî là tot djusse èvou ç' qu'èle li voléve. Li tène camuzole di swè rida avou sogne cauzu d'sus sès pîds. I frumjîya d' plêji à lî djonde s'doû èt tchaud cwârt èt lî bètchî s'boutroule. Sins pus ratinde, i lî falu s'ètchessî, trover au fin fond di s'cacane s'paujèrté d'sus tère. Por li, s'muchî dins l'feûme divnéve li momint d'vray mêrpaujèrté.

Ele dimèréve ècwète, come èsoktêye, come tote ètîre èdwarmeûwe.

Tot l'ovradje, tot l'ayèssâdje vinéve di li. D' lèye min.me, èle ni poléve pus rin. L' èssèradje dès brès, lès altocâdjes di s'cwârt, l'crouweû brodchâdje au fin fond d' lèye, tot n'èstéve qui sokiyâdje. I s'a djoké èt smète à ahananer doûc'mint conte si pwètrène, adon èle a comincî à s'dipièrter.

Èle s'a sibiré èt s'dimander kwè èt kèsse ? Pokwè avéve-t-i falu çoulà ? pokwè qu'ça lî avéve risatchî in si grand pwèds d'nulêyes èt l'rinde si tant paujère ? Est-ce qui c'èstéve vray ? L' vray-vray ?


(...)

(bèn sûr, vos avoz trové l'auteû do p'tit bokèt !)

ÈST-CE QUI C'EST PAÇ'QUI PLOÛT AU MWÈS DJULÈT, qui tot n'va nén come on l'voudéve, qu'on z-a mau sès rins, qu'on z'a mau dwarmu, qu'on vént d'lîre dès bièstrîyes.. ? I gn'a dès djoûs èwousk'on s'sint disbautchî. Adon on ranche dins lès ridans, dins dès vîs papîs èt on r'mèt l'mwin dsus dès sov'nances, dès lètes qui ratindenut ène réponse dispû dès mwès, dès frotchîs èt djanis' portraîts d'djins qu'on z'a roviyî lès noms. Èsse l'âdje, li timps, lès ouchas ? On tûze èt r'tûze à rén, à tot ! * D'sus ène imaudje, in ome, ène feûme "Domâdje, dji lzeû aréve bèn fait leû afère". Nén l'parêy auzès deûs, vos l'ploz crwêre. * Ah, li v'là don l'lète qui m'dichève sins pont d'ritna d'aler m'fé voye. Bah, lèyons-l' tchère. après tot ç'èst todi mia d'sawè d'sus quî qu'on n'pout nén conter... * Vêci, dès bokèts d'gazètes d'sus dès sudjèts qu'arîne s'tî bèn plêjants à traîti. Asteûre c'èst trop taurd. Dis totes manîres on n'è cauze pu nule pau nérin... * Lès gazètes dèl samwène... Fini l'Uro d'babale, v'là l'Toû à pédales. Lès bèljes ont

tchake côp bèn comincî èt rade fini. Nén lès pwènes d'è djôzer. * V'là ène novèle qu'èle èst boune : on va payî cink cints francs d'mwinss' po l'corant d'anêye. Bardaf ! Pou bouchî c'pitit trau-là, lès comunes tûzenut dèdjà à raussî lès-adiçyonèls. Sûr qui, tot conté tot rabatu, ça va co nos couster pus tchèr. * Parey pou l'gaz à mète dins lès moteûrs. On nos va supprimer l'takse anuwèle mins fé payî pus tchèr au lite. * I gn'aréve insi dès banslêyes d'èksimpes di ç'qu'on nos-a doné d'drwète èt r'pris d'gôche mwin èt l'visse vèrsâdje li côp d'après. * On va r'chourbu l'ardwèsse dès payis d'sos-dèvelopâdje qui n'arivenut pu à fé face à leû dètes. C'èst fwârt bèn. Mins lès vindeûs d'âmes qu'ont dèdjà mètu dins leûs potches, on duvréve lzeû fé r'mète lès caurs pou payî d'l'amougnî auzès djins d'cès payis-là ! * Quand auzès profiteûs mwinneûs d'cès contrêyes-là qui mètenu au rcwèt dès bégnons d'liards dins lès fiscaus paradis, fauréve p'tète èto lès t'nu à timps à gougne ? *(on va z'è d'mèrer là do pitit momint d'neûrastèniye)*

P'tit prodjèt d'imaudje pou "L'ANÛTI". (Voye li pâdje da Lucyin Mayin d'sus l'arincrin)



**GOTE APRÈS GOTE,
L'EÛWE ARIVE À ÛSER
L'PUS DEÛR PÎRE.**

*(Oyi, mins ça lî d'mande dès
siêkes èt dès razans è rawète !)*

Cès dêrins mwès, on s' dispute
pou sawè si on done ou nèn ène
aspouye auzès djins qui
volévenut è fini d'avou leû
maus èt don d'è 'nn'aler divant
leû timps. On mèt lès djins foû
d'ovradje d'vant l'âdje èt on
s'dimande comint qu'on va
z'ariver à payî dimwin lès rintes
qui, dèdjà n'sont nin dès pus
sipèsses. On z'èst à dîre qui, tos
contes finis, l'
sècurité socyâle èst bèn trop
laudje quand on riwète ç'qui lès
malâdes èt lès vîs costèyenu
quand i faut lès sognî à
l'ospitau oubin l'zeû doner dès
r'mèdes pou lès mète à leûs
ajjes (di confwârt, qu'èles
sèrîne, cès drogues-là !). Èt leû
pris ? on mèt todi mwinss' di
pulules pas bwèsse (c'èst pou n'
nin raussî lès tarifs, savoz !)
C'èst l'vray qui lès vîyerfyes on
deûr à trover leû place d'sus lès
bèn trop strwètes planches dès-
ètadjîres qu'on lzeû aurdéve. I
faut don lès-î stichî come on
pout, à fwace si faut. Come
ç'èst pu auji à fé qu'à dîre, i faut
lès bèn rabachîs, lès rinde tot
dispindants, lès rmète à
l'min.me wôteûs qui dès ptits
êfants qui duvenut aler sus l'pot
quand on l'zeû dit èt nin quand
i z-ont ausse. Lès rinde bèn
djintis, obèyichants èt bèn
ricon'chant dès pitètes tchôzes di
drwèts qu' on lzeû acwârde èt
qu'insi divègnenu dès
bènvolutès particuliyêrès èt
bèn djintiyès-atingyions !

Pokwè réclamer ? On lî a bèn
doné in "canâr" au vî qui tryane
tant èt spaude tot d'su li.

*Oyi, après 24 èûres. Adon, on
roviye lès rimplichâdjès. "On
n'a nèn qu'ça à fé èt l'ouy nèn à
tot".*

Pokwè rêclamer ? Èle bwè
s'lite d'eûwe tos lès djoûs,
savoz.

*Oyi, l'dimêye botêye èst co là
avou l'dimêye apawartêye d' i
gna quat djoûs.*

(Co à chûre. Domâdje...)





Pokwè rèclamer ? On lî a doné à bwâre à l'vîye à mitan paralizêye (di TOT l'costé drwèt).

Oyi, on s'a continté d'lî mète ène botêye èt in vère d'sus s'tâbe di nût ! Qu'èle si disbrouye !

Pokwè rèclamer ? L'vîye a co (à cauze di c'qu'on lî done pou nén soner dè l'nût ?) tchèyu è volant s'lèver au matin.

A près d'cink èures di l'après none, lès meûbes disrindjîs (lèt, armwère) n' èstîne nén r'mètu à place. Pou s'pènitince ?

Pokwè rèclamer ? P'tit djuner à 7 èures 30, din.ner à 13, rissinâdje à 15, soper à 17 èure ? Côp d'mwin pou l'twèlète ? inte 8 èt... 11.
L'èst sûr qui faut ratinde si toû, mins...

Pokwè rèclamer ? Vos ratindîz dispû ène samwène l'ome dèl' posse avou voss' p'tite pinsyion ?
"Faléve li dîre, on z-a signî por vos. On z'a lès liârd. C'èst pu auji por vos. I n'vos faut nén awè peû, ènn'don; Insi on z'èst sûr d'èsse payîs."

ADVANT D'PLOYÎ BAGÂDJES



D'lès voye ramwinris èt rabachîs, dj'en a m'soù
Ratindant moru, i' m'fèyenut pwène.
Rèsérés à somadjî, d'ène tchèyère au chame on lès r'mwèrne
S'racrapoter dins leû lét èt z'î roler leû linçoùs

Dins cès *maujons*, èchéne èt tot mërseûs,
Omes èt feûmes molichenut.
Leûs soçons sont mwârts, i tchamoussenut
Djoûs après djoûs, tot-anoyeûs.

D'leû djon.ne timps, pa momint l'sovenance lès bagne
Dès bètch, d'sos lès fouyes à l'campagne,
Volés, donés èt l'èresse. Oufi qu' c'èst lon !

L'momint v'nu di m'mète è l' M.R-Èsse
Donéz-m' l'timps d'm'î prinde pou d'bon
D'co fini ome èt nén è amwinrîye, alachîye bièsse.
(N' d'jamâs oye : "V'n'aloz nén comincî à rèclamer étou d'sus tot come voss' fi ?")

PA CÔP I VOS FAUT SAWÈ
TRANSLATER c'qu'on vos dit.
 Lès mos étindus n'sont n'nén
 lès mos qu'on vout vos fé
 comprinde. Eksimpes : "Po
 qu'ça z-aye bén po lèye i
 vos faurève mète di
 l'eûwe dins vos' vin èt
 ni nén todi réclamer
 d'sus tot" vout dire : "I
 vos faut vos taîre èt
 léyî fé, sinon on s'va
 rivindjî d'su lèye". "I
 faut léyî l'timps au
 pèrsonèl dèl maujone di
 s'rinde conte qu'èle
 n'èst nén contrêre èt
 qu'èle èst prèsse à




s'continter di c'qu'on lî done"
 vout dire "I n'vos faut
 nén crwère
 qu'on
 va î

mète dèl boune volonté di nos' costé. Èle n'a qu'a
I n'vos faléve nén rèclamer ène saqwè
pou dwarmu si c'èst pou ièsse à soyî
do bwès quand on vos l'apwate !



choûter èt s'taîre". "Quand èle a dandjî, èle n'a
 qu'a soner. On va v'nu." vout dire "qu'èle ni
 saye né dè l'fé trop sovint. Sinon, on lî ritire li
 sonète." "On lî va aurder tote si dignité" vout
 dire "On lî va mète dès fachaus èt l'acostumer
 à pichî d'dins èt n'nos disrindjî qu'ink o deûs
 côps pa djoû, chûvant l'goût èt l'odeûr".

**Là, totes lès pikûres
 sont prèsses po l'samwène !**



**Apruster lès drogues,
 ça fini pa ièsse in
 passe-timps !**



TOT DJÔZANT DES FEUMES QUI S'ATELENUT A FE L'OVRAJJE DI L'OME.

(D'après l' KAMA SOUPLA, qu'èst d'Inde. A n'nin confonde avou l' Popol-Vèyu qu'è Quitché-Moya)

Si, après in bia raploû qu'a Bén duré, ène feûme a co ause èt vwèt s'galant qu'èst comolu, èle va djintimint l' priyî di s'mète d'sus l'dos; à-pwis, prinde lès rin.nes

di l'ovradje. Bén sûr, affye, èle pout fé çoulà pou continter s'n'ome ou min.me a tanawète, si çà lî prind, pou sès propès-invîyes d'kandjmint.

I gn'a deûs façons d's'î mète :

a) au mitan do raplou,

l'comére s'cobèrole, ratoûne

l'atèlâdje èt gripe au-d'zeû

di s'galant sins pont fé

rastaurdji l'movmint èt

djoker l'binaujeté;

b) d'intrêye èle prind place

do wôt èt mwinrner l' djeû

tot come lî maule.

Dès fleûrs dins sès tchvias

distrèssîs, tot sorires èt

ahaner, èle aspouye s' tètîrîye

d'sus lès pwèls dè l' pwètrène

di s'n'ome èt, sovint cheûrant

s'tièsse, lî rind, avou dès

rawètes, tot c'qui lî lî fiéve

lès (?) *minutes* di d'avant :

sès côps, sès grètes, sès

rèssèrâdjies, sès djurâdes,

sès... insules èt tot l'èresse;

èle lî dit : "Vos m'avîz

mèteûwe au r'vièr, vos

m'avoz naujîye, à m'toû

di vos mète d'sus lès

spales, d'vos'aflawî".

A l'av'nant, èle va fé

chénance d'awè dès

rèstants d'quand à

lêye (d'pudeû), va

dîre qu'èle à

l'chofle côpé èt

prèsse à mète fén

à l'fièsse. C'èst

come çoulà, qui

l'feûme s'atèle à

bouter come

l'ome. Comint

faut-i mia vos-

èspliker ?

Tot ç'qui l'maule

fait pou rinde

béneûreûse lî

comére, s'lome lî

bouye di l'ome.

Comint faut-i s'î prinde :

Èle èst sitindeûwe (à l'astchèyance : li drî d'ène aye, in lét, do strin, in pachî, dès bouchniss', ène bossale staurèe dins l'cina... on n'chwèzi nén todi). Tot lî contant dès crakes pou l'divèrti, vos lî distatchoz avou sogne sès agatlâdjies, dislachoz sès lacètes, sès djupons, sès botons d' cote oubin l'glissère di s' bleûwasse èt Bén trop sèrante marone. Vout-èle vos fé r'mète è place vos *man.nètès mwins*, i vos faut l'baujî èt d'vos lèbes lî stofer sès mos. Dèdjâ arwèdi, vos-aloz l'adjonde, lî pormwirner vos mwins pa-t-avau èt pajèrmint, d'zos lès bondis, lî akichî saquants paurts do cwâr. Mostère-t-èle di l'onte ? si c'èst s'prumî côp èle

èst co preûde, tot chichlotant è s' coagnîye oraye, vos lî stitchoz pajèrmint l' mwin à l'djonteûre d'sès cwisses. Bin vite, èle va sayî d'lès t'nu rèsèrêyes d'sus s'mozète. Avou ène djon.ne bauchèle, i vos va falu prinde Bén paçyince, li bètchî lès paupîres, lî balouder èt camoussî l' tètîrîye. Èle va volu l' baurer, l'muchî pa-d'zos sès propès mwins èt... vos lèyî l' rèsse sins pont d'disfince. Si c'èst ène comére qu'a

d'l'èspéryince, èle saît Bén ç'qu'èst bon, i va don vos falu fé ç'qu'i gna d'mia pou qu'chakin fuche Bén ayèssî. Di totes manîres, l'ome a todi à Bén fé ç'qu'èst ratindu pa l'feûme èt s'ocuper come i faut, là èwou ç'qu' i faut, d'sus tos lès cintimètes di s'cwâr.

I gn'a ène sakwè qui n'vos faut nén roviyî, c'èst l'pitite camuzole qu'èst à chwèzi pu rade qui l'frisko dins l'reclame. L'satcho n'fra nén l'afère pou vos mète tos lès deûs à iute dès maladiyes qui sont asteûre pîre qu'onteûses. L'èst todi mia ètou, d'è nn'awè d'avance dins vos' potche. Quand l' pause a r'tchèyu, c'èst deûr dèl rénonder. On pou sawè qu'ène feûme è-st-à l'crèsse do boneûr quand : s'cwâr s'alanguî, èle sère lès ouy, roviye d'ièsse preûde èt mostère qu'èle èst prèsse à lèyî s'ridjonde au pus près lès agayons.

On pout ètou riconèche qu' èle n'a nén tot ç'qu'èle ratindève : èle tchoke sès mwins, ni vout nén lèyî l'ome si r'léver, chène tote abateûwe, coagne, li tape èt s'cotape co quand il a rèchu. L'galant va adon s'sièrvu d'sès dwèts èt lî cobrouyî l'caclindje d'avant (d'sayî) di r'cominci l' raploû (dijan.ne todi kékfîye) èt l'rinde tote binauje

di plèji.

(A chûre. L'côp qui vént :

"C'qui l'ome a come ovradge dins in raploû...")



L'ôte djoû, lindi ou maurdi

(dji n'sé pu. On z'a bô dire, mins pa côps on n'sé pus comint qu'on vike. Lès eûres passenu si rade qu'on ratindrève tofêr lès condjîs pou z'awè l'timps d'ovrer à s'n'auje).

S'èstéve don l'ôte djoû, dijéve-dj', quand dins m'bwèsse auzès-È-lètes a tchèyu in p'tit mo d' **Lir'naud z-èt L'ôt'pîce**. V'là qui m'ofrîne d'm'èrègistrer m'vwè pou qu'èle fuche ricon'chîye dins in tot noû programe èt qu' dji poluche fé scrîre m'n'indjole dirèk è walon. M'faluche-t-i rèsponde "non.na, bèn dès mèrcis" à ène soçe page qu'èle èst flaminde ? A pwène avéve-dj' signî dès deûs mwins qu'ène ôte È-lète mi tchèt ! Ç'côp-là, s'èstéve d' **Îrîz**. L'soçe, do Noû-Lovin, qui fabrike dès scaneûs-à mwin r'con'chant dès sicrîjâdjès dins tos lès lingâdjès èt lès translater l'timps d'dîre "Ouf !", m'ofréve d' m'agayoler d'on tot novia djowèt boutant étou don lan è l'walon. Come i m'donîne çoulà rén qu'po mès bias-ouy, dj'a co dit oyi sins ratinde.

Dj'avéve bèn fait di n' pont piède di timps, d'îesse insi bèn ostèyî m'aléve, come à l'acostumance, co bèn sièrvu.

Di l'UCL, deûs mèsse-maîsses, MM. **Franknôyt'** èt **Yèrkart** m'dimandenu d'polu bâser leû coûrs d'sus **RABULÈTS** èt d'polu è fé, l'prumî l'èkzèjèse èt l' liwinstike èrmèlneutike d'ôle èt l'ôte pou l'prinde come modèle d'ètûde d'sus l'crèsse d'l'èvoluçyon soçissolodjike!

In p'tit momint pou m'rimète èt vudî in posson, v'là qu'in mèssâdje d'l' **Lèfén d' U.C.W.** m'dimande m'n'acwârd pou fé rèche l' **RABULÈTS** à l'place di **WALO+Gazète**. 20.000 èksimplères di tirâdje totes lès samwènes djusqu'à l'rintrèye. Pou ralondji d'10.000 èksimplères tos lès mwès jusqu'au coron d'l'anèye èt z'ariver à 200.000 pou sièrvu tos lès walons-waloneûs.

Ç'côp-ci,



dj'a balziné. Sondjîz qui m'faléve léyî 4 pâdjès, d'sus 50, po dès tèkstès dins ène pitite rawète aurdant l'tite d' **WAL+Gaz'**.

Dj'avéve bèn fait, v'là qui l' **Govèrnimint walon** vént d'm'priyî do r' prinde à m'conte l'subsîde di 100 miyons tchake an prèvu pou l' **Matin** !

Dji n'mi sintéve dèdjà pus dès masses, quand l'téléfone s'a mètu à soner èt m'feûme d'm'anoncî qu'ç'èstéve l' **Vètikan**. L'Pape voléve à tote fwâçes qui dji mète è l'walon si lète à Zurbi èt Zorbi pou l'fièsse

bomêye qui va tchère.



Là, dj'a comincî a d'mander qu'on m'léye ène miète mi ritoûrner. C'èst l'vray, quand min.me, dji n'a qu'deûs mwins èt i m'faut ossi do timps po waitîz à c'qui l'**Lacyin Muyin** fait. Pinsoz qui vout mète tot l' **Rabulèt** è r'fondu. I m'faut don î r'wêti d'près èt nèn léyî disèpurer l'mèyeû di ç'qu'on z-a fait è l'walon dins noss'pitite patrèye dispû dès ans èt dès razans ! L' tèlefone continuéve sins djoke à soner : in **Pakèt** qui voléve mi bistoker, in **Biat'chine** tot parèy, in **Fén'd'Some** qui s'trovéve bèn ayèssî l'dimègne avou l' **Rabulèts** qui voléve ène rawète di **Kama Zoupla**, in **Masto** qu'avéve in drole d'acsint è qui djôzéve di **Lî-nûsse**, ène **Ane Dal'uch** qui rèclaméve dès *à-claper-au-meûr* imaudjes di maûles, in **Ât'djoke** qui voléve ranchî, in **Kwârtimp** z-acrobate.. ça sonéve, ça sonéve, ça sonéve tèlmint qui m'feûme a fini pa è n'awè plins l'p.. dos èt qu'èle m'a dispièrté èt bwêrler dins l'orèye "I gn'a l'rèvèy qui n'arète nèn d'soner ! I sèréve timps por vos d'aler apruster l'cafeû. Fènèyant !"



I m'va falu fé
kandjî mès
pulules !
È' m'
fèyenut
toûner
sot !

RABULÈTS

brotche pus lon



DÈL BOUNE RÈCLAME.

L'savîz qu'vos ploz moustrer à tos vos vijins, camarâdes d'ovrâdje odobén lès pus simpès di vos con'chançes qui v's' èstoz mia qu'zèles paçe qui v's'èstoz onk dès wêres fêl lîjeûs dèl numèrike gazète RABULÈTS ?


C'èst tot bièsse, avou ène imprumante, in papî "bon-à-ça" (qu'on trove cauzu dins tos lès papinerîyes) èt in bon ví fiêr à r'passer tchôfé d'sus l' plate bûse dèl sitûve, vos ploz afitchî d'sus voss' blanke camuzole à rascoude vos suwêyes (T.sheûrt, s'apinse lès saksofiles) voss' bia riloyâdje liwinstike èt qu'vos vos rafiyeû di n'taper vos ouy qui d'sus lès bons èt mèyeûs lîjâdjès è walon !

Tot c'qu'a parètu come imaudje dins lès 96 èwarantès paudjes pout-insi ièsse aclapé d'sus vos fyêrès r'bondîyès oudibin virilès èt pwèlêyès pwètrènes ! I gn'a qu'à dire c'qui vos-a tiré vos-t-ouy d'con'cheû à

Djozewal@swing.be èt vos sèroz sièrvu dins lès djoûs qui chûront.

Èt vos ploz, poquwè nén, d'on min.me lan doner, à l'avenant, vos-t-idêye d'sus dès politikîs qui, p'tète, vos sicrèpenut lès boyas...









Si bèn qu'ossi rade qui z'avîne
èn aroke au moteûr..



Tot d'chûte. Dji cache après
lèye èt dji vos l'apèle..



Mam'zèle Mèliye !
Not' maît' vos
d'mande po
riwêfî à l'ôle
do moteûr !

Dj'arive,
m'Fifi !

Et l'matante Mèliye
d'continuer d'raconter..



In matin,
à l' pikète
do djoû..




Èt què, Mèliye,
èstoz prête ?



Bén sûr, Mononk'
N'avoz nèn roviyî d'mète
vos' wate tèrmojin.ne ?


**MÈLIYE ! Djokoz d'rîre di mi !
V'loz m'voye ènn'd'aler tot seû
èt d'mèrer mêrseûle ?**





"... i m'faut vos dire qui m'mononk' Tchofil
estéve li mèyeû dès-omes mins qu'il avéve
ètoz dès acostumançes di vî militère.
Maugré tot, dji savéve comint m'î prinde
avou li. Si bén qui, tos contes faîts, i
m'passéve mès quat' volontés tot au long
dès condjîs qui dji passéve adlé li èt
Firmin..."







P'tit soudârd, i vos faurève dès bèrikes. Vos-aloz broker dins lès âbes !




Oufti ! L'valèt è-st' ène bauchèle... ène manète man.nète bauchèle !



Scuzoz-m', Mam' zèle. Qwè fioz adlé cit' gayole do diâle ?

Efronté ! M' avoz s' tî prèsenté ? Quí èstoz come wagnasse ?



Euh... Lieut'nant Djan-Pîre d'Fleûrù. Pou vos sièrvu.. mès compliments !

...ç'èst bin ! Repos, Lieut'nant ! Vos' tchivau pourève satchî m' "aayole" ?



Vos n'î pinsoz nèn ! Ène parèyè bièsse satchî dèl' fèraïye !

Si m' monnk' vos l' dimande vos n' wazèroz nèn dire non.na. On wadje ?



Alons, alons. I n' vos faut nèn wadji à mauvau.

Èt vos, n' djouwoz nèn au malén !

Si vos' mononk èst marchau èt qu'vos-in.moz Bén lès gayoles, djustumint dj'a in mouchon qu'a ène bèle mècanike...



Li v'là qui r'vént, vos ploz lî d'mander qui vos l'arindje tot tchûte, vos' pitite bièsse... èt si m' mononk n' èst né co marchau, il èst dèdjà djènèral !



Què dijoz, mi p'tit soudârd di Lieut'nant ?



M.m.m. mmm..mès
rèspeks,
m'djènèral !

A vos'n'aujen lieut'nant !
Avoz sayî d'trover l'pane ?



Nèni, mononk ! I n'èst
nèn fwârt è l'mècanike...

Mèliye, on va rintre à l'maujone.
Li lieut'nant va d'aler nos-èscuzer






Bén sûr,
à vos-ordes.

Dji m'va tot d'chûte prév'nu vos soçons.
Contoz d'su mi.







LÈS ÈNIGMES DI L'ISTWÈRE



(A chûre ?)



Vloz conèche l'rèstant dès sovn'nançes da Matante Mèliye ? **Vloz sawè** djusqu' èwou èle a stî pou mète li mwîn d'sus l'bia lieût'nant ? **Vloz conèche** li sintimint qu'è 'nn'avéve l'Firmin ? **Vloz sawè** pokwè l'miniss' **Apaurt** vout vèrifî lès-organes walons ? **Vloz sawè** pokwè **Vandebrouk** n'èst nin capâb' di fini l'Toù d'France tot è d'mèrant miniss' ? **Vloz sawè** poqwè **Edi Mèrks** trove qu'on z'a l' vènt dins l'dos quand i sofèle do drî ? **Vloz sawè** qu' **Pantini** n'avéve nén stî r'bènit pou n'd'aler pu lon qui l'Tiène do Vèntou ? D'in mot, **vloz sawè tot d'sus tot ?** Dispèthî-vos d'vos rabouner pou l' **volume IV di RABULÈTS** oudobin i n'tchèra pus dins vosse pitite bwèsse à z'È-lètes !





Imaudje rècheûwe dins lès anêyes 50 !



Volà, vos-avoz don
lèyu l'volume III d'
RABULÈTS. Vos-
aroz bèn rade raploù
avou l' volume IV pou
sawè c'qui s'a passé
dins l'djon.ne timps da
matante Mèlîye.